

Cu artistanan invita

Fiesta di despedida pa Jonathan Vieira den Cas di Cultura



ORANJESTAD – Dia-
bierna anochi tabata un
anochi special pasobra

tabata trata di despedida
di un persona cu a haci
hopi cos pa Aruba, prin-

**cipalmente den e area di
promove nos talentonan.**
Ta trata aki di Jonathan Vie-
ira, kende a bandona Aruba
diadomingo cu a pasa, esta
ayera. Vieira a scoge un otro
rumbo den e Big Apple, New
York.

Vieira su meta semper ta pa
promove nos artistanan local
manera cu mes a bisa despues
cu el a tuma Cas di Cultura
over un di su metanan tabata
pa duna e oportunidad na nos
talentonan.

El a sigui splica cu den su
concepto como un persona
profesional e ta mira cu pa
aki 20 aña Angelo Koolman
lo ta un di e personanan cu
lo contribui grandemente na
nos talentonan musical.
Pa esaki tambe Vieira kier a

gradici Angelo Koolman pa
e oportunidad cu el a duna
Vieira pa lag'e despedi den un
forma unico y bunita. Tambe
e kier a gradici tur cu a dun'e
sosten den tur ocasion.

E productor y ex director di
Cas di Cultura bisa tambe cu
Aruba semper ta keda parti
dje den su curason y e ta laga
Aruba pero no cu e intencion
cu e no ta bolbe mas su inten-
cion ta cu despues cu e caba
di ehecuta proyectonan gran-
di cu e ta bay haci na New
York su meta ta pa bolbe bek
Aruba y sigui promoviendo
nos talentonan Artistico.

Manera el a laga sa, 5 aña
atras e tabata e asistent di e
casa di Mariah Carey. E ta-
bata percura pa tur cos tabata
na ordo. Debi na esaki e por

a lanta restaurant den famia y
hopi otro cos mas cu el a haci
aki na Aruba y un di esunnan
principalmente tabata tras
di Aruba International Film
Festival.

Tempo cu Marck Anthony
tabata na Aruba, nan a kibra
e record den e evento di mas
grandi di historia di Aruba.
Esaki a haci cu Gobernador di
Aruba, S.E. Fredis Refunjol,
a deposita pone su confiansa
den Vieira su man pa ehecuta
e trabou di bishita real aki na
Aruba november ultimo. Pa
esey nunca e no lo bandona
Aruba 100%.

Riba e fotonan adhunto por
tira un bista di e despedida
pa Jonathan Vieira cu a tuma
luga diabierna ultimo den
Cas di Cultura, cu artistanan
local di taya. □

